

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 436283 22 St
Tuzla, 23.02.2023.godine

Općinski sud u Tuzli, sudija Antonela Đaković, kao stečajni sudija, u prethodnom stečajnom postupku radi utvrđivanja da li postoje uslovi za otvaranje stečajnog postupka nad imovinom dužnika „BH INNOVA“ d.o.o. za proizvodnju, promet i usluge Živinice, ul. Patriotske lige broj 11, van ročišta, donio je:

RJEŠENJE

Pozivaju se predlagač, povjerioci i zainteresirana lica da u roku od 30 (trideset) dana od dana objavljivanja ovog poziva predlože otvaranje stečajnog postupka nad imovinom dužnika **„BH INNOVA“ d.o.o. za proizvodnju, promet i usluge Živinice, ul. Patriotske lige broj 11**, uz uplatu predujma za obezbjeđenje troškova stečajnog postupka u iznosu od **2.000,00 KM** na depozitni račun ovog suda broj 132-1000-3091233-91 otvoren kod NLB banke dd, shodno članu 102. stav 7. Zakona o stečaju Federacije BiH.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Obrazloženje

Sud je dana 10.01.2023.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „BH INNOVA“ d.o.o. za proizvodnju, promet i usluge Živinice, ul. Patriotske lige broj 11, a za privremenog stečajnog upravnika imenovan je Emir Nuhanović iz Živinica. Dana 08.2.2023.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da je društvo osnovano 16.03.2012.godine, osnivač i direktor je Purdić Zijo, te da je društvo obavljalo više djelatnosti, kao što su vanjska trgovina i trgovina na veliko i malo. Nema zaposlenika, niti pokretne i nepokrete imovine. Račun društva otvoren u Addiko Bank d.d. Sarajevo je blokiran, a društvo ime obaveze prema UIO BiH, RC Tuzla i PU FBiH, KPU Tuzla.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe

čl. 102 stav 7. Zakona o stečaju pozvao povjerioci i sva zainteresovana lica da izvrše uplatu troškova finansiranja stečajnog postupka u visini od 2.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Predujam se uključuje u obavezu stečajne mase.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

SUDIJA

Antonela

Đaković

POUKA O PRAVNOM LIJEKU: Protiv ovog rješenja nije dozvoljena žalba.